



Broj: 11-05-38-17821-12/16

Sarajevo, 7.6.2016. godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), na preporuku Komisije za javnu nabavku licenci za softver Windows 7+ i MS Office 2010 za potrebe osnovnih i srednjih škola u nadležnosti Ministarstva za obrazovanje, nauku i mlade Kantona Sarajevo, putem konkurentskog postupka (Zapisnik o pregledu i ocjeni ponuda broj: 11-05-38-17821-11/16 od 7.6.2016. godine, ministar za obrazovanje, nauku i mlade d o n o s i:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku licenci za softver Windows 7+ i MS Office 2010 za potrebe osnovnih i srednjih škola u nadležnosti Ministarstva za obrazovanje, nauku i mlade Kantona Sarajevo i dodjeljuje se prvoplasiranom ponuđaču „QSS“ d.o.o. Sarajevo, prema dostavljenoj ponudi broj: 11-14-20731/16 od 7.6.2016. godine u ukupnoj vrijednosti od: 29.858,40 KM.

Član 2.

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze o kvalificiranosti u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, <http://mon.ks.gov.ba>, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke putem konkurentskog postupka, broj: 11-05-38-17821/16 – Nabavka licenci za softver Windows 7+ i MS Office 2010 za potrebe osnovnih i srednjih škola u nadležnosti Ministarstva za obrazovanje, nauku i mlade Kantona Sarajevo. Javna nabavka je provedena putem postupka: Konkurentski zahtjev za dostavu ponuda. Javna nabavka predstavlja nabavku 4000 licenci za softver Windows 7+ i MS Office 2010 za potrebe osnovnih i srednjih škola u nadležnosti Ministarstva za obrazovanje, nauku i mlade Kantona Sarajevo. Procijenjena vrijednost javne nabavke bez PDV-a iznosi 25.600,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 5774-7-2-3-3-3/16 dana 23.5.2016. godine u 08,54 h na portalu Agencije za javne nabavke.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima: 1. "LOGOSOFT" d.o.o. Sarajevo; 2. "PING" d.o.o. Sarajevo; 3. "QSS" d.o.o. Sarajevo. Sljedećim ponuđačima, na njihov zahtjev, je dostavljena tenderska dokumentacija: 1. "MMCC" d.o.o. Sarajevo; 2. "Instruments Ltd" Sarajevo; 3. "digITarija" d.o.o. Sarajevo; 4. "R&S" d.o.o. Sarajevo; 5. "SKT" d.o.o. Sarajevo. Rok za dostavu ponuda bio je 7.6.2016. godine do 11,00 h.

U predviđenom roku i uredno u zatvorenoj koverti, dostavljena je samo jedna ponuda ponuđača QSS d.o.o. Sarajevo:

U skladu sa Odlukom o pokretanju postupka, za provođenje postupka javne nabavke putem konkurentskog postupka za nabavku licenci za softver Windows 7+ i MS Office 2010 za potrebe osnovnih i srednjih škola u nadležnosti Ministarstva za obrazovanje, nauku i mlade Kantona Sarajevo, formirane Rješenjem, broj: 11-05-38-17821-1/16, od 11.5.2016. godine Komisija je provela proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 11-05-38-17821-11/16 od 7.6.2016. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda jedna (1)
- da je blagovremeno zaprimljena ukupno jedna (1) ponuda
- da nema neblagovremeno zaprimljenih ponuda
- da prispjela ponuda ponuđača „QSS“ d.o.o. ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji u cijelosti se prihvata Zapisnik o pregledu i ocjeni ponuda.

Tabelarni pregled pristiglih ponuda – rang lista prihvatljivih ponuđača za nabavku 4000 licenci za softver Windows 7+ i MS Office 2010 za potrebe osnovnih i srednjih škola u nadležnosti Ministarstva za obrazovanje, nauku i mlade Kantona Sarajevo jeste:

R.b r.	PONUĐAČ	Ukupna cijena na javnom otvaranju KM (sa PDV-om)	UKUPNO bodova
1.	QSS d.o.o.	29.858,40	100 bod
			100

U skladu sa kriterijumom "najniža cijena", ugovor se dodjeljuje ponuđaču „QSS” d.o.o. iz Sarajeva u ukupnoj vrijednosti nabavke sa PDV-om 29.858,40 KM. Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu Ugovornom organu u pisanoj formi u roku od 5 (pet) dana od dana prijema ove odluke u skladu sa članom 99. Zakona o javnim nabavkama ("Službeni glasnik Bosne i Hercegovine" broj 39/14).



MINISTAR

Prof. dr. Elvir Kazazović

Prilog:

1. - Zapisnik o pregledu i ocjeni ponuda broj: 11-05-38-17821-11/16 od 7.6.2016. godine

Dostaviti:

1. Svim učesnicima u postupku
2. Ministarstvu za obrazovanje, nauku i mlade
3. Komisiji za provođenje postupka javne nabavke
4. a/a



web: <http://www.mon.ks.gov.ba>

e-mail: mon@mon.ks.gov.ba;

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1





Komisija za nabavku

Broj: 11-05-38-17821-11/16
Sarajevo, 7.6.2016. godine

Na osnovu člana 65. Zakona o javnim nabavkama („Službeni glasnik BiH“, broj 39/14) i člana 18. Uputstva za pripremu modela tenderske dokumentacije i ponuda („Službeni glasnik BiH“, broj 90/14), sastavlja i dostavlja se odgovornom licu ugovornog organa:

ZAPISNIK O PREGLEDU I OCJENI PONUDA

Naziv i sjedište ugovornog organa: Ministarstvo za obrazovanje, nauku i mlade Kantona Sarajevo, Ul. Reisa Džemaludina Čauševića br. 1

Predmet nabavke: Nabavka licenci za softver Windows 7+ i MS Office 2010 za potrebe osnovnih i srednjih škola u nadležnosti Ministarstva za obrazovanje, nauku i mlade Kantona Sarajevo. Predmet nabavke nije podijeljen na lotove.

Vrsta postupka javne nabavke: Konkurentski zahtjev za dostavu ponuda

Evidencijski broj nabavke: 11-05-38-17821/16, od 11.5.2016. godine (sa Odluke o nabavci)

Broj obavještenja o nabavci sa portala javnih nabavki: 5774-7-2-3-3-3/16 od 23.5.2016. godine

Datum početka pregleda i ocjene ponuda: 7.6.2016. godine, sa početkom u 11,30h

Naziv i sjedište svih ponuđača, prema redoslijedu zaprimanja ponuda

Rb	PONUĐAČ	Cijena na javnom otvaranju KM bez PDV-a	Ukupna cijena na javnom otvaranju KM (sa PDV-om)
1.	QSS d.o.o.	25.520,00	29.858,40

Podaci o ispravkama, ukoliko su iste uočene u ponudi i koje su urađene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke:

Nije bilo podataka o ispravkama.

Analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača (obavezni razlozi i ako je primjenjivo ostali razlozi isključenja):

Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

Nema.

- Analiza prihvatljivih ponuda prema kriteriju za izbor ponude u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najniže cijene:

R.b r.	PONUĐAČ	Ukupna cijena na javnom otvaranju KM (sa PDV-om)		UKUPNO bodova
1.	QSS d.o.o.	29.858,40	100 bod	100

Rang lista vrednovanih ponuda po osnovu kriterija „najniža cijena ponuda“ po redoslijedu od najviše do najniže osvojenih bodova:

1. QSS d.o.o. 100 bodova


Ponuđač QSS d.o.o. iz Sarajeva dostavio je, u predmetnom postupku javne nabavke, prihvatljivu ponudu u skladu sa tenderskom dokumentacijom, u iznosu od 25.520,00 KM bez PDV-a, koja je prema kriteriju za izbor ponude (najniža cijena) ocijenjena najpovoljnijom ponudom.

Razlozi donošenja odluke o izboru:

Obzirom da je ponuda ponuđača „QSS“ d.o.o. Sarajevo bila jedina ponuda i ocijenjena kao prihvatljiva na osnovu kriterija „najniže cijene“, to Komisija za nabavku roba predlaže prihvatanje ponude, te shodno članu 70. Zakona, donošenje Odluke o izboru ponude ponuđača „QSS“ d.o.o. , kao najpovoljnije za predmetnu nabavku. Cijena ponude bez PDV-a je 25.520,00 KM, a ukupna cijena ponude sa PDV-om je 29.858,40 KM.

- **Datum završetka pregleda i ocjene ponuda: 7.6.2016.godine u 11,55 h.**

- **Ime, prezime i potpis osoba koje su izvršile pregled i ocjenu ponuda:**

1. Burim Adžanel, predsjednik Komisije 
2. Sadeta Selimović, član Komisije 
3. Fikret Lukač, član Komisije 



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

